



元亨釋書 一一二

特別
ハ4
5587
2



上元亭釋書表

臣僧師鍊言竊以

聖明之代必有著述其來者尚矣昔者漢武
之雄略也子長纂史記焉宋仁之寬厚也永
叔修唐書焉二作之高出諸史之上者無乃
二主文思之化乎我金仙氏之道雖方外塵
表之詮至有撰編者靡不繇旃矣嘉祥之創
梁也逢高祖之仁裕矣西明之續唐也遭木
宗之緝熙矣及天壽之成端拱也皆泰平之

遠壽院

藏

標幟矣伏惟

皇帝陛下

道出震

德重密

稟上聖之姿

膺中興之運街談衢話

復

延

天之至和

祖業

宗勳

授唐虞之淳化師鍊生無為之

清世屬空門之斐文僧史才踈耻刪手於照

默宗記氣懦謝透爪於永安寔繼由之稗稊

禪林之樸樵者也

陛下

邁五君之德而

鍾五君之譽師鍊乏五子之才而成五子之

事熟念

明時時繁矣

昌世世多矣然當

聖代而茲書出焉豈

我君

文思之賡化而

太平之餘標乎今夫隋珠趙璧照乘夜光又
棄捐干路傍矣有一夫掇捨磨拭縑籍襲藏
玉若有知寧不怡哉其夫不自珍捧獻于一

人其人又雖威重豈無動喜容乎蓋諸師之
高德不啻珠璧七百餘年不有通傳可謂棄
捐矣師鍊匹夫之頑黠也視斯散落弗能無
掇襲如是至寶不敢私蓄敬上
陛下弗為僭越耳林下蔬笋酸餽雕蟲乞降
中書得受

官校若有可采入大藏行天下於戲璵璠之
玩弄
王者之事也匹夫唯輸貢而已然則此書之

流播

陛

階下之任也ニツカス觸撼

言トシ翫續伏待斧鎖ニ師鍊誠惶誠懼頓首頓首謹

元亨二年八月十六日臣僧師鍊上表

元亨釋書卷第一



傳智一之一

濟北沙門

師鍊



南天竺善提達磨

高麗慧灌

吳國智藏

元興寺道昭

中天竺善無畏

興福寺慈訓

唐國鑑真

延曆寺最澄

金剛峯空海

善提達磨者南印度香至王第三子也蕭梁

普通元年庚子來支那與武帝說第一義帝
不契乃渡江入魏居嵩山少林寺經九白歸
天竺其後八十有六年吾推古二十有一歲
癸酉遊此方推古女主委政太子豐聰十有
二月朔太子過和之片崗於時達磨作飢人
貌弊服襤褸而卧路傍眼有異光其體甚香
太子見之令問姓名磨不對太子作和歌問
之磨便以和歌酬之其歌詞共在國史之推
古紀也太子與飲食亦脫衣付而曰乞使安

獲_レ病卧也

復_レ卧也

復言已歸官遣人看之使者復言飢人既殂
太子悲慟命駕馳赴死所親率臣僚封樹焉
居數日太子語侍臣曰卿葬餓者非凡必真
人也使使開墳而所賜之衣在棺上餘無所
有太子便取其衣且自服之時人曰惟聖知
聖信之矣哉其太子之所築墓今尚在焉俗
呼其地號達磨墳磨之事迹詳見寶林傳燈
唐僧傳等書
贊曰至人之應世也雖不可測焉然儀相之

矯異遷化之偶合屢寄齒牙之不誣者昭晰
矣夫斯土佛種萌芽之初三草猶未穉二木
亦蔽蒂豈天香之所堪昌昌乎哉惟時機之
生酸也宜乎吾祖之作餒殍乎至有印足跡
者為後世屈蟠三千里之苗根也若夫葱嶺
逢宋雲魏帝登墓空遺隻履片崗謁太子官
使見櫛只留故衣吾祖真身拂伽所謂譬如
意去石壁無礙之者乎斯方異域合符者何
哉介後五百七十有七年建久之間心宗勃

興寬元以降祖風發越

王臣雷同士庶響合憑茲視之雖饑干時不
苟來也

釋慧灌高麗國人入隋受嘉祥吉藏三論之
旨推古三十有三年乙酉春正月本國貢來
救住元興寺其復天下大旱詔灌祈雨灌著
青衣講三論大雨便下上大悅擢為僧正後
於內州創井上寺弘三論宗
釋智藏吳國人福亮法師俗時子也謁嘉祥

受三論微旨。此土居法隆寺。盛唱空宗。白鳳元年。為僧正道慈智光皆藏之徒也。贊曰。騰蘭來漢。漢人始得耳。真乘焉。然其道渾朴。無宗派之稱矣。羅什入關之後。三論之宗。聿煽諸家之割分。皆殿之矣。我欽明之聖統。海藩不替。於真曇慧道深偕計來儀。此時佛法草昧。誘導惟微。灌公因三韓句。羗之竇起。無畏提安之唱。夏旱降大雨於天下。時渴灑甘露於井上。藏公尋來。系嗣繩

繩。烏乎三論也。為兩朝宗旨之先。登真焉耳乎哉。或曰。曹魏嘉平二年。中天竺曇摩迦羅至洛陽。出戒本子。何稱三論為宗之始乎。曰。魏之前。比丘出家。只剪髮而受三歸而已。迦羅見東土之缺僧儀。始行四分戒本。竭磨法。是又沙門之通儀也。不必立為宗也。以故其後承稟不續。至李唐南山道宣建律宗。遠取迦羅為祖耳矣。雖儀法起於魏。而宗趣成於唐。予之前言者。宗派也。

釋道昭卅姓，子松氏，內州舟北郡人也。居元興
寺，有戒行，譽白雉。四年癸丑五月，奉敕從遣
唐使小山長丹泛海，緇侶同志者，道嚴等一
十有三人到長安，謁三藏玄奘，即高宗永徽
四歲也。藏謂諸徒曰：此子多度人矣。汝等莫
以外域輕之，加意誘誨。又告曰：我往西天，食
絕路，又無人家，殆入死地，偶一沙門以梨子
與我，我啖之，氣力復生。漸達竺土，其沙門者
汝前身也。故吾憐汝耳。一日藏語曰：經論文

博勞多，功少。我有禪宗其旨微妙，汝承此法
可傳東徼。昭欣愜，修習早得悟解。又指見相
州隆化寺，慧滿禪師，滿委曲開示，謂曰：先師
僧那曰：昔達磨以楞伽經付二祖，曰：吾觀
且所有經唯此四卷，可以印心，業成辭藏。
藏以佛舍利經論及相宗章疏付之，亦與一
鐺子，曰：我自天竺持來，煮物治疾，必有神効。
故我贈汝，昭捧承而出。至登州，衆人多病，昭
試以鐺烹粥，或煎水與之，病者無不愈。解纒

發船風波俄惡船不進留滯七日夜一舡皆
曰海神之所為也卜曰海神要物舡人謀曰
恐鎗子也昭曰三藏靈器遠從佛國不可失
也諸人白曰寧一鎗子博眾命乎昭不得已
以鎗入海應時風止波恬歸帆如飛還本邦
又止元興寺切諭導此土始聞八五三二之
旨又遊諸州事行化國人崇之後於元興寺
東南隅別營禪苑從昭學禪者多矣昭禪坐
之間或三白一起或七日一食或暮眾兩牙

放光讀經文武四年三月澡浴淨衣趺坐繩
床光明盈室語門人曰汝等見光耶諸徒曰
見昭曰莫妄言莫妄言後夜光透壁照庭松
良父其光指西而去昭乃逝年七十二門弟
子思其兩牙放光欲収之而先為鬼神取去
闍毗後欲取其骨暴風忽來骨灰共失本朝
火葬始於昭昭唱導外勸利濟路傍築井諸
渡儲船山州宇治之大橋昭之創造也昭傳
來經藉若干藏禪院元明帝移都平城昭之

徒奏於新京建禪院所謂平城右京禪院也
經書又載於此

贊曰時者難得而易失古猶病諸公不嬰
斯患豈乘風捲而來與駕萬里之濤瀾預三
載之受授是不難之遇也片帆歸來大施門
開四遠爭赴互相推排方今和州之境平城
之土併為唯識之區宇踰六百之星霜矣亦
不失之長也加之挾以心宗旁構禪房雖乏
貽厥靈異已彰昔拘尸喪舍利未分一牙早

既被得鬼神師之竅迹逼亞世尊善哉名稱
扶桑之暎

釋善無畏者甘露飯王之襲也唐開元四年
丙辰至長安玄宗預夢真儀泊入對與夢無
異大悅館西明寺崇為教主二十有三年示
滅塔龍門之西山吾元正帝養老之間來此
土時機未稔利導無聞只延曆二十四年內
侍宣曰昔天竺上人雖垂降臨不勤請受徒
遷壑舟遂令真言秘法絕而無傳云云言無

畏也。畏之事迹備見宋高僧傳。

贊曰：聖人之隱顯猶月之印水也。有水即顯，無水即隱。只恐無水。月元不隱，若久無水而謂月隱者非也。當無畏之遊化，此方有水，此人無水，方之有水雖遺蹤，人之無水不承接。是以授受不繼，記纂亦滅。是所以我痛絕也。僅因內侍之宣救得綴，大士之軌躅奚失斯人而寡斯跡乎。然延曆大同之間，密教

宣頌，其後諸子爭馳，稠載而歸。昔會昌之虐，焯彼國此宗不振，漸更五季，至竟殄泯矣。獨吾日域光暉益燦，其不苟來也。我與達磨並案焉。

論曰：達磨無畏，二師雖涉吾境，當時無承真。茲書可系力遊，何傳智之有。又養老元年者，當開元五年也。宋高僧傳無畏篇無他遊塔，龍門亦可疑矣。曰達磨之贊不云乎其印迹者，為後世之苗根也。無畏吾無間然矣。二師

共大法之始祖也。彼唐宋諸師有紀述者，
紈數百年前，諸祖皆盡收列焉。況此二師，
雖隔系授，適蹈本土，豈於力遊乎？又子何謾議，
無畏哉！雜華曰：一念普觀，無量劫，無去無來，
亦無往。達磨之八十六年，無畏之同時，皆一
念也。贊之所謂，齊水月也。哀哉！子之有劫而
無水也，無畏者，聖人也。豈以一化迹，拘去來
乎？世言無畏，齊毗盧舍那經，入我國時，乏資
稟，藏和之。父米寺而去。後七十年，空海遭靈

感得此經，若無畏不將來，此邦爭有此經乎？
猶言先有持來，誰人乞明告我。嗚呼！無畏之
事子休聽瑩焉。

釋慈訓，世姓舩氏。內州人。初事興福寺良敏。
本昉二師學，相宗後，偕審祥法師，踰海入唐。
謁賢首國師法藏，稟華嚴深旨，歸來付良辨。
建賢首宗，稱德帝貴之，賜食邑。天平勝寶四
年，為僧都。寶字元年，為興福寺主務。此職自
訓始。寶龜八年化。

台教三
大部或又
善提子三
斗故事

贊曰予求訓祥事而不得雖搜索之不至惜乎古記之殘缺也所以是吾大恐而此書之作也適見國史受封戶又荐歷任僧官故立傳焉然辦公稟二師其道大振焉我見諸師之踰渤澥者咸得所著焉可謂好擇矣就中昭通之謁三藏也訓祥之親賢首之可謂的受二師之有辨也深山大澤之所由生也釋鑑真卅姓淳于氏唐國揚州江陽縣人齊辯士疑之後也年十四從父入寺見佛像有

出塵志父知其不可羈絆付大雲寺智滿為沙彌神龍元年隨道岸律師受菩薩戒景龍二年於實際寺登壇受具足戒遊二京究三藏又迴泗水教授戒律吾天平五年朱叡普照等隨遣唐大使丹墀廣成入唐留學天寶元年真於揚州大明寺開律講叡照等預肆席一日作禮曰佛法東流日域而乏教授人昔吾聖德太子記曰我後二百年異域人興真教今當其期願事東遊真曰我聞南嶽思

公生和國弘佛法太子事我知之又聞日本
長屋王崇敬三寶製千袈裟緣各繡一偈曰
山川異域風月一天遠寄淨侶搭結勝緣就
舶便施此土一千沙門我思是等事彼方必
有淨信人而滄浪渺焉跋涉惟難彼土若緣
驗我豈辭勞劬二年十有二月真與二弟祥
彥道興及叡照等并徒屬八十餘人同泛溟
猛風忽起船舶簸蕩中夜舟人見四神著金
甲立舳艫以故無沒溺之愁然衆人恐僉厄

求菴留真不得已其後又發或漂日南或赴
龍宮真本志確乎不拔遂以天寶十二年冬
乘副使伴古舶放洋天平勝寶六年甲午正
月十有二日著大宰府四月入京敕正議大
夫安宿王迎羅城門乃館東大寺天竺娑羅
門僧菩提唐道璿共來慰問王公士庶奔波
作禮真表獻將來佛舍利三千粒阿育王塔
樣銅支提止觀玄義文句菩提子三斗晉王
右軍真行書一卷聖武上皇遺正議大夫真

市備傳宣曰朕造東大寺已十年此土未有
戒壇願師營之真敬承認上皇大悅受菩薩
戒皇帝皇太后太子公卿以下同受者四百
三十餘人乃於大殿西構戒壇院天下至今
資羯磨焉又敕賜皇子開府儀同田部舊宅
真成寶坊號招提寺本朝戒法此時方熾天
平寶字二年賜號大和尚七年五月六日結
跏趺坐向西而化壽七十七預言寂日至此
無斗華歛之時香氣滿山谷真在唐裁納袈

袈一千布伽梨二千施五臺諸沙門又寫三
大藏初本朝大藏經論多烏焉之誤及真之
至敕加整勸真流曰南國時暑毒入眼患之
失明而大藏文向多所暗誦數下雌黃又諸
藥物此方不知真偽救真辨之真以鼻別之
一無錯誤度又授戒凡四萬余人

贊曰開士之赴化過武夫之臨敵者遠矣彼
毛羽矢石竿木干戈卒驅封豕陣張長蛇猶
一戲場耳故入死地出活機立功名策勲業

者武夫之勇也。真公陷地，鳥海流，蛇獠，獅瘴，霧傷睛而不悔，颶風斂舟而不惶，再四躡奮，又起布教異域，揄揚真理，使此下凡之軀，見習彼大仙之威儀，毗左之軌，雖厄中微，六百餘年風範可傳。古云：仁者必有勇，勇者不必仁。是又開士之悲，所以過而遠乎。

釋軍澄，世姓三津氏，近州滋賀郡人也。其先東漢獻帝之孫，國亡竄民間，吾應神之曆，遙慕王化而至。上憐其王孫，賜滋賀地為米邑。

父百枝，富內外學，里閭敬之。嘗愁無嗣，祈衆神既而詣睿嶽左麓神祠，其地景趣幽邃，百枝結草廬，饗香華，求子。期七日，至第四曉，得靈夢。其妻乃娠，草廬今之神宮院也。神護景雲元年生澄焉。時親族陳盛饌慶新產，澄稍長，語其時果有種色，無一老隣里，嗟異。七歲受學，聰明絕倫。十二投行表法師出家，習唯識，旁博探經論，得華嚴經起信論等，疏夙智所撼，以不見台教為恨。適於南京寫得玄義。

文句止觀四教義維摩經疏等是鑑真之帶來者也。畜思所遇優柔飫厭乃能講演然介懷於無師承也是以跣踰海之志延曆二十有一年賜入唐求法詔反以期月不許淹留蓋愛材也。二十有三年秋七月從遣唐使菅清公浮溟渤著明州界乃德宗貞元二十年也。九月赴台州至天台山國清寺道邃法師一見器許邃者荆溪上足智者七世之的孫也。邃授所傳一心三觀之旨曰弘道在人人

能持道吾道化行今其時哉并付菩薩三聚木戒。澄就寫天台教門疏記又見佛隴寺行滿座主滿又然公高弟語澄曰昔智者大師告門人曰我滅後二百余歲我法傳東國袒識不虛子其人也乃以荆溪以上諸藉秘蹟傾倒而付曰汝持此法文為海東傳燈之始祖二十有一年如越州龍興寺遇順曉阿闍梨受三部灌頂密教及得陀羅尼經書印契圖樣灌頂器物曉闍梨付法書曰昔開元朝

大三藏娑羅門國王子善無畏從佛國大那
闍陀寺傳大法輪至大唐國轉付傳法弟子
義林是國師大阿闍梨年一百三歲見今在
新羅國轉大法輪又付大唐弟子順曉亦是
鎮國道場大德阿闍梨復付日本國供奉大
德弟子寂澄轉大法輪寂澄是弟四付屬唐
貞元二十一年四月十九日書令佛法永永
不絕阿闍梨沙門順曉錄付寂澄又於唐興
縣逢沙門脩然得達磨一孤牛頂山法蓋本

師表公傳璿師北秀禪而付干澄以故尋求
禪要及謁然公悅懌投契夏五月乘大使藤
賀能船著長州即延曆二十有四年乙酉也
秋入洛城便表上西土所得天台密宗諸教
文曰沙門寂澄言竊以六爻探蹟猶局生滅
之鄉百物正名未涉真如之境豈若隨他權
教之開三乘機路隨自實教之示一乘道場
哉然則妙法難傳流其道者聖帝圓教難說
演其義者天台伏惟陛下出震承圖登極膺

運東夷之鄉化歸德於先年比蕃之來朝賀
正於每歲於是萬機之暇一乘惟懷冀得圓
宗垂爲大訓由斯妙圓極教應聖代而流傳
秘密真宗感皇緣而格止取澄奉使求法遠
蹈靈蹤台嶺越疆躬寫教迹所獲經論疏記
二百三十餘部并五百卷又金字法華金剛
般若等經智者大師禪鎮白角如意等隨表
奉進不任誠懇戰慄之至奉表以聞帝大悅
勅曰大唐受法供奉寂澄闍梨傳來天台諸

典籍流布天下宜爲七寺書寫七通即給禁
中上紙付國子祭酒和弘世監寫又詔道證
守遵修圓勤操慈蘊慈寬等碩師於野寺天
台院令受學新寫天台教文又敕和弘世宣
詔曰真言秘教未傳此方寂澄阿闍梨幸得
此法立爲國師九月一日敕於清籠峯高雄
道場起都會大壇撰諸寺智行兼備者受灌
頂三摩耶道證修圓勤操正能延秀廣圓等
同預者八人野公岑守奉敕檢校法事是本

朝密灌之始也。弘仁六年秋八月，因和氏請於大安寺塔中院，闡揚妙法。於是乎諸寺碩德會集，法筵摧三乘之矛盾，準一乘之權衡。諸師伏膺，始又百枝語曰：我昔祈神祠，待汝神貺，未報汝其代之澄。乃詣神宮院，勤修經數日，香爐灰中得舍利，大如麻子，頃刻灰裏出金鏤器，大菊花許，即盛舍利，宛似舊物。弘仁五年春，詣宇佐八幡神宮講妙法華講竟，神託曰：不受法味，久歷歲華，今聽微言，何以

報德。我有法衣願表，親達乃啓齋殿，推出紫衣二領，神官巫祝各相謂曰：我等未嘗見如斯靈感也。其一爵多羅，其二袷衣，今尚在山院。蓋澄赴唐詣祠立誓，故闢此講也。又於賀春神宮寺講妙經，是時豐前州田河郡吏等錄瑞雲狀寄之。澄固封告，義真曰：非吾滅後不得開。緘寂後門弟子等披閱其文曰：今月十八日未時，紫雲光耀，起賀春嶺，覆法筵之庭。村民悉見，敬異。又是澄泛海時宿田河郡

賀春山下夢梵僧來前祖衣露身左肩似人
右肩如石言之曰我是賀春明神也和尚慈
悲救吾業道之身我當加助求法晝夜不
欲知我實海中急難現光為驗澄明且眎山
右邊崩巖草木不生宛如夢中半身心異焉
又海中風浪果有光曜是以思神之不浪也
而建法華院自創講席乃神宮院也開講之
後其右巖之地漸生草木年年滋茂鄉邑嘆
異六年東州置經之時信州大山寺正智預

上野千部幹緣便寫二百部馱而發忽馬不
食加鞭管不能動已而逾信宿殆廢行裝時
陬訪大神託曰我欲受澄師勸緣而未由也
故示此異耳今我助送此經預幹功之一耳
言已衆馬皆齧州界艱險吾國之蜀道也本
是駑駘疾如驥騶智等嘆神言之不食矣初
延曆四年秋七月澄上叡山縛草舍讀法華
金光明等諸大乘經乃發五種大願時年十
九七年於山頂創一字名曰一乘止觀院之

賀春山下夢梵僧來前祖衣露身左肩似人
右肩如石言之曰我是賀春明神也和尚慈
悲救吾業道之身我當加助求法晝夜守護
欲知我實海中急難現光為驗澄明且眎山
右邊崩巖草木不生宛如夢中半身心異焉
又海中風浪果有光曜是以思神之不浪也
而建法華院自創講席乃神宮院也開講之
後其右巖之地漸生草木年年滋茂鄉邑嘆
異六年東州置經之時信州大山寺正智預

衣夜

上野千部幹緣便寫二百部馱而發忽馬不
食加鞭管不能動已而逾信宿殆廢行裝時
隙訪大神託曰我欲受澄師勸緣而未由也
故示此異耳今我助送此經預幹功之一耳
言已衆馬皆齧州界艱險吾國之蜀道也本
是驚駘疾如驥騶智等嘆神言之不食矣初
延曆四年秋七月澄上叡山縛草舍讀法華
金光明等諸大乘經乃發五種大願時年十
九七年於山頂創一字名曰一乘止觀院之今

賀春山下夢梵僧來前祖衣露身左肩似人
右肩如石言之曰我是賀春明神也和尚慈
悲救吾業道之身我當加助求法晝衣守護
欲知我實海中急難現光為驗澄明且眎山
右邊崩巖草木不生宛如夢中半身心異焉
又海中風浪果有光曜是以思神之不浪也
而建法華院自創講席乃神宮院也開講之
後其右巖之地漸生草木年年滋茂鄉邑嘆
異六年東州置經之時信州大山寺正智預

衣夜是也

上野千部幹緣便寫二百部馱而發忽馬不
食加鞭管不能動已而逾信宿殆廢行裝時
陬訪大神託曰我欲受澄師勸緣而未由也
故示此異耳今我助送此經預幹功之一耳
言已衆馬皆齟州界艱險吾國之蜀道也本
是驚駘疾如驥騶智等嘆神言之不食矣初
延曆四年秋七月澄上叡山縛草舍讀法華
金光明等諸大乘經乃發五種大願時年十
九七年於山頂創一字名曰一乘止觀院之今

中堂所謂自刻等身藥師佛像安之。又思山
延曆寺也。中無大藏令諸弟子繕寫亦告平城七大寺
乞加助。大安寺聞寂及東州化主道忠等見
義勇為速闕其功。十有七年立十講法會二
十有五年奏加新天台法華宗時大乘四家
華嚴法相三論律也。及此並為五宗。澄又慨
念此方學佛者六除法相三論外華嚴毗尼
成實俱舍纔有名而已。是依無受業者也。一
宗若廢衆善多替非所以資政化興教法也。

便奏每年覃渥外加度者十二人。五宗各二
俱舍成實各一制。可沙門勝虞永忠等奉表
賀謝。弘仁十年三月奏乞建圓宗大乘戒壇
其條四科。帝降表南京諸寺詳定建否。沙門
護命抗表斥之。東大寺景深箸迷方示正論
摘二十八失平城諸刹毀唇紛羅十有一年
春二月澄述顯戒論三卷表進博引大乘戒
證又作顯戒緣起反詰二十八失其詞激切
著明。上又降其書於南寺南寺諸師無敢問

議者澄有願造六塔安置六千部經王東州
三所中國二所西邦一所今睿山東西兩塔
者中國之二所也其東方行化之時見信州
嶮絕長坂數十里殆千百折一日行程纔宿
半山逆放無館行客多虞澄募緣置廣濟廣
極二院羈人多受其賜初延曆十有六年以
智行譽上供奉列救近州祖充山厨供二十
有一年和弘廿弟真綱請於高雄寺唱天台
妙義亦延善議勤操等十餘師爲和者上勅

禮部侍郎和入鹿隨喜慰問其從唐歸台州
刺史陸淳明州太守鄭審則共與公據印署
讚美又東州經塔會上野緣野寺豫場者九
萬人下野大慈寺五萬人東民嚮化如斯所
過諸列類之弘仁十有三年春二月賜宸書
傳燈大法師位記復六月四日於中道院右
脇而寂年五十有六臨亡曰吾生平口無妄
言手不營罰門弟子等各乞則之亦遺誡六
篇皆勤警徒也其日江東道俗相語睿山比

拳有奇雲恐有以耳後聞遷化更咽稱異十
有一日右僕射藤冬嗣捧圓戒允許之詔來
山中蓋慰初七也冬十有一月上製哭澄上
人詩六韻降干山一時公卿才子和宸韻送
山王臣遺愛如之澄博物兼知陰陽工巧醫
方等又復入者多矣義真圓澄光定圓仁等
神足者二十餘輩又名卿鉅公十數人右僕
射藤冬嗣太中大夫伴國道國子祭酒和弘
世朝請大夫和真綱其選也生平撰述註法

華經十二卷註金光明經五卷註仁王經註
無量義經各三卷天台靈應集守護國界章
惣持章各十卷法華輔照付法緣起長講願
文各三卷照權實鏡決權實論依憑集內證
佛法相承血脉譜六千部法華銘各一卷十
有四年春二月賜寺額配紀元曰延曆遵先
皇之崇建也貞觀八年秋七月敕謚傳教大
師
贊曰或言人能弘道非道弘人苟無其人道

不傳乎。勝寶之間，鑑真挾台宗章疏而來時，無偉器，亟藏而已。傳教卯金子，鋒銳銘如志，慕搜索早見其書，不憑師訓，便開講鋪，逮跨蒼波，登銀地，滿舟載歸，何其駛乎。故能巨六百之祀，安三千之徒，彌久彌昌，寧弘道之其人歟。予曰：子之論未盡耳矣。夫台教者，荆溪可謂之全備矣。蓋然公遭天寶至德之亂，世抱窮愁，困厄之著，意覃思宗旨，供翰疏記，而後台學光賁矣。傳教應智者之懸識，受妙

樂之備文，是正承稟而已。非習學之群也。是以負笈未期，傳水器歸，宜乎為睿峯性具之高祖乎。彼真師者，自來毗尼之太匠，未聞台嶺之的嗣。況在荆溪纂述之先，豈旁泐錄典之善為紹系之謂乎。嗚呼！教之授受有數耳矣。

釋空海，世姓佐伯氏，讚州多度郡人。父甲公，母阿刀氏。夢梵僧入懷，而有身在胎。十二月，寶龜五年生焉。母思其夢，小字曰貴物。年十

二外舅朝散大夫阿刀大足教世典學文翰
十八上大學雖讀儒書志在佛經偶逢沙門
勸操受虛空藏求聞持法未雜染而事修練
甫冠歲就操落髮受沙彌十戒研究三論時
操在泉州旗尾山寺初名教海後自改如空
延曆十有四年登東大寺壇受具足戒又改
空海乃於佛前誓曰三乘十二部經我心有
疑未能決擇三卅十方一切諸佛願垂加祐
示我正法夢中一人告曰有大經卷名大毗

盧遮那神變加持是真秘要也寤後問此經
無知者往來諸所懇誠尋求適於和州高市
郡父米道場東塔下得此經披卷看閱疑滯
居多自茲志遠遊二十有二年夏五月從遣
唐使金紫光祿大夫藤原能汎渤海秋八月
著衙州界乃德宗貞元二十年也冬十有二
月到長安城敕館宣陽坊官舍二十有一年
又敕居西明寺永忠法師故院海周遊城中
諸刹擇求明師謁青龍寺東塔院內供奉素

果阿闍梨乃不空大廣智三藏之高弟也。果見而喜曰：我先知汝來相待者久矣。願諸徒曰：是沙門者第三地菩薩也。夏六月入大悲胎藏大曼荼羅投花花著中臺果。嗟嘆以為大器。即沐五部灌頂之誓水。秋七月入金剛界大曼荼羅。八月授傳法阿闍梨位。灌頂是日海設五百僧齋。果與金剛頂等諸密經并圖書曼荼羅及諸道具。曰：昔大毗盧舍那世尊以秘密真言印付金剛薩埵。薩埵傳龍猛

菩薩展轉至大廣智。智為三朝灌頂國師。亦付我汝有秘密大根器。故我兩部大法秘密印信皆悉授汝。宜以此金剛乘教及三藏所付供養付物歸本土。傳布國界。然則四海安泰萬民豐樂。是亦報佛恩酬師德也。又一日語曰：瑜伽者密藏也。儀軌圖器諸深秘之者。見行經書或壇而不載。假使間見秘記不藉調造子亦不委。便召供奉畫工李真等十餘人。畫胎金諸曼荼羅一十鋪。又令供奉鑄土

揚忠信等新造道具一十五事又集二十餘
輩經生寫金剛頂等諸秘經皆并付之海又
逢劉賓般若三藏三藏曰我少年入道經歷
五天常擔傳燈來遊此間亦欲泛海游化東
域時緣不熟我志已矣今與汝所譯華嚴六
波羅蜜經及梵夾汝其持去通我夙志則出
經夾付之元和元年秋八月歸乃大同改元
丙戌也敕令流通傳來密乘弘仁帝敕於宮
中會諸宗碩師各唱所習海立即身成佛之

義諸家爭折之海辯論精審上語海曰義雖
玄極朕思見證海即入五藏三摩地觀忽於
頂上涌五佛寶冠放五色光明威容赫如也
上離御榻作禮群臣皆起拜時三論之俊道
曹唯識之髦源仁華嚴之英道雄天台之傑
圓澄等皆豎降旗十有三年大同太上皇入
壇灌頂帝者密灌於此始焉海已大興密教
救迷所業海則毗盧遮那經及菩提心論著
十住心論品藻諸宗第一異生羝羊心第二

愚童持齋心第三嬰童無畏心第四唯蘊無
我心第五拔業因種心第六他緣大乘心第
七覺心不生心第八如實一道心第九極無
自性心第十秘密莊嚴心鱗次配抵作家之
者或有問議然東密之者至今取法初海得
操師求聞持法乃躋阿州大龍之嶽修供時
天晴朗忽寶劔落座前又往土州室戶嶠誦
修如上至五更明星飛入口已而得聞持悉
地爾來身心勇健堪任頭陀被葛而經冬絕

膳而過復精進苦行朝懺莫悔天長元年大
旱春三月救海於神泉苑修請兩經法時守
敏法師奏曰守敏卅壽法臘共邁千海先承
詔爲適宜乃詔敏敏以七日爲期散朝陰雲
厚布都下暗如夜雷鳴雨灑舉朝感異救見
雨之所霑只東西京而已亦詔海過七日不
兩海入三摩提見之守敏咒諸龍入一瓶海
奏延二日告諸徒曰池中有龍號善女阿釋
達池龍王之族也此龍現形必得悉地時余

龍出長九尺許弟子真雅實慧真曉真然等
七人得見餘不觀海奏事敕和真綱以幣物
供神龍散日重雲震雷大注膏雨池水盈溢
至火壇之畔霖沛三日天下皆洽救加優賞
內州有一寺其地元龍池龍移他虛池又涸
寺衆苦無水海點一所加持清泉忽沸因號
龍泉寺嘗修不動使者法海身出火燄或入
水想觀室內成池其神異多類之初弘仁七
年遊紀州相勝攸上高野山創金剛峯寺十

有四年正月敕以東寺賜海建灌頂院海往
青龍寺法式每歲二序行灌頂事乃置薰果
所付健陀國袈裟及念珠為寺鎮天長二年
敕改高尾神願寺名神護國祚真言寺賜海
承和元年海奏氣准唐國內道場置真言院
於宮中敕以勘解由司廳為曼荼羅道場每
年正月後七日息災增益修法至今不絕二
年正月奏置試度三人毗盧遮那經業金剛
頂經業聲明業各一人初弘仁十有一年上

賜宸奎傳燈大法師位記。天長之始，爲僧都。承和二年，海在金剛峯寺。三月二十一日，結跏趺坐，作毗盧印，泊然入定。先七日，共諸弟子念彌勒寶號。至此日，瞑目氣絕，蓋持定身待龍華也。年六十二，門人爲七七忌，其間鬚髮生，身體暖，經五旬。諸徒剃髮，整衣歛全身。壘石造壇，立率堯波其上。定後四日，上敕內舍人弔喪，及贈賻。太上皇降弔書，曰：具言洪匠密教宗師，邦家憑其護持，動植荷其德惠。

豈圖崦嵫未逼，無常遽侵。速馳草書弔慰，大定海在豆列，桂谷山寺，以指向空，寫大般若經。至魔事品，字畫忽現空中。自此工筆翰能，五筆一時書，或書水上，墨不乱壞。奉勅書大內南門諸額，又書應天門額。已挂之仰，見應字上點欠之海，乃擲筆補之，毫無差邪。王臣伏其妙撰，述尤多。秘府論三教指歸，性靈集等家家誦習。傳來佛舍利八十粒，梵夾三經疏二百一十六部，四百六十一卷。諸曼荼羅

寶器道具不遑具記延喜二十有一年冬十月賜謚弘法大師

贊曰有非常之志建非常之事不是強為天機之所使也纔見登壇具戒則能對佛立誓是天機之所使與故踰鯨波之險危得龍樹之深秘故國山川雲行雨施若失

宮中之紺宇建護國之儀頂上之寶冠證成佛之義者又非天機之所及而已昔飲光尊者正受維足千歲之下少有人繼見彼南山

籌室有他疑是同一三昧乎唯其次金欄伽梨之為異耳矣

元亨釋書卷第一

元亨釋書卷第二

濟北沙門 師鍊 撰

傳智一之二

建仁寺榮西

慧解二之一

龍門寺義淵

元興寺智光

善珠法師

東大寺明一

大安寺道慈

東大寺良辨

元興寺明詮

元興寺慈寶

梵福山善謝

普光寺慈雲

勝悟法師

善議法師

安澄法師

光意法師

秋篠寺常樓

常騰法師

品慧法師

道證法師

奉實法師

石淵寺勤操

元興寺護命

海印寺道雄

延曆寺安慧

延曆寺義真

延曆寺圓澄

建仁開山

釋榮西號明菴備之中州吉備津宮人其先
賀陽氏薩州刺史貞政曾孫也母田氏懷孕
八月而誕母無困惱永治元年四月二十日
明星出時也隣人曰傳聞不滿期而有產者
不利其父母焉母聞之不乳三日兒又不呱
有沙門陽嚴往來賀家以事告其父父大嗔
曰兒已死乎對曰猶活也嚴誡婦家鞠育甫
此始澣浴八歲從父讀俱舍頌聰敏邁群兒
十一師事郡之安養寺靜心心者嘗於三井

寺與西父同業以故就焉十四落髮登睿山
戒壇十七心亡遺言曰汝尚幼故不授密法
我歿汝其役法兄千命乎十八命授虛空藏
求聞持法自此精進屢見靈感十九赴上都
從睿山有辨學台教應保二年天下疫西思
恃怙罹災歸本邦省覲又就命稟灌頂伯耆
大山有基好啓密乘之肆西靈足依之盡得
其蘊又還本山重受顯意法師密灌仁安三
年復四月乘商舶泛瀛海著宋國明州界乃

孝宗乾道四年也五月發四明赴丹丘適與
本國重源遇相伴登台嶺秋九月共源理歸
檄以所得天台新章疏三十餘部六十卷呈
座主明雲明雲見疏加嘆西又以宋地台宗
酬酢之言及彼地名德書文與雲雲曰汝於
支那揄揚台教亦我國之法華也西又跋大
志欲重入支那達於印度拜牟尼八塔為滅
罪之要於是乎門下侍郎平賴盛與西厚聞
西之西遊常過行裝以故未遑發文治之元

平氏凋殛侍郎尋亦卒遂以三年夏重入中
域徑趨行在謁知府按撫侍郎表奏過竺之
事干時朝議報曰北蕃強大西域皆隸關塞
不通何行之有西素志不果鬱鬱若亡船主
促還放洋三日逆風俄起反温州瑞安縣西
謂我未究奔馳風濤豈激我乎乃下船與十
數輩又向赤城時虛菴啟禪師住萬年寺黃
龍八世之嫡孫也初戊子之行明州廣慧寺
知賓之者問曰子之國有禪乎對曰我邦台

教始祖傳教大師傳三宗而歸方今台密正
熾禪滅者久矣西承乏之者也恨祖意之不
全矣故航海來欲補禪門之缺不知得麼知
客又英袖也頗多發益而西麼于指友其秋
早歸夙志勉勵真至虛菴菴問曰傳聞日本
密教甚盛端倪宗趣一向如何對曰初發心
時即成正覺不動生死而至涅槃菴慰誘曰
如子言與我宗一般西自此盡心鑽仰親炙
者數歲淳熙之末菴移天童西亦行補助多

矣紹熙二年秋辭菴菴村僧伽梨書曰日本
國千光院大法師宿有靈骨洪持此法不遠
萬里入我炎宋探蹟宗旨乾道戊子遊天台
見山川勝妙生大歡喜至石橋焚香煎茶禮
住世五百大羅漢尋反本國夢境恰恰二十
年雖音問不繼而山中耆宿歷歷記其事今
又再遊此方相從老僧宿契不淺志操可貴
不得不示法旨昔釋迦老子將圓寂以正法
眼藏涅槃妙心付屬摩訶迦葉二十八傳而

茶

至達磨六傳而至曹溪又六傳而至臨際八
傳而至黃龍又八傳而至予今以付汝汝當
護持佩此祖印歸國布化開示衆生繼正法
命又達磨始傳衣而來以爲法信至六祖止
不傳汝爲外國人故我授此衣爲法信則乃
祖耳先是在萬年日啟語曰菩薩戒禪門一
大事也汝航海來問禪於我因而付之及應
器坐具寶餅拄杖白拂其圖迦文已下二十
八祖達磨以來至虛菴嫡嫡相承不括橫枝

五十三世系連明覈西趨出到奉國軍今改慶元
府乘揚三綱船著平戶島葦浦本朝建久二
年辛亥也戶部侍郎清貫創小院延之秋八
月八始行禪規纜十數輩不幾海衆滿堂遂
入王都倡禪道初巳酉歲有能忍者聞宋國
宗門盛遣其徒附舶扣問育王佛照光禪師
照隣異域之信種慰誘甚切寄以法衣及贊
達磨像忍詫光之慰寄謾唱禪宗已乏師承
亦無戒檢都下鄙之迄西演心宗摺紳士庶

欲混忍而擯又筑前管崎有良辯者嫉西之
禪行誘睿山講徒訐朝竄逐六年詔藤相國
召西府裏以主當令仲資微問尚書左丞宗
賴預聞西排斥偽黨舉唱真乘詞辯渙然冠
纓聳聽西曰我禪門者非特今始有之昔睿
山傳教大師嘗製內證佛法相承血脉一卷
其初乃我達磨西來之禪法也彼良辯昏愚
無知引台徒誣我禪宗若非傳教亦非傳教
若非台教不立台教不立台徒豈拒我乎甚

矣其徒之闇其祖意也于時台宗有識之者以西言爲善因是睿衆輔西禪化西又與忍抗辯宗義往反數番忍杜口而退以故西之道行盛于都城西示衆曰我此禪宗單傳心印不立文字教外別傳直指人心見性成佛其證散在諸經論中今且出一二以諭汝等華嚴曰初發心時便成正覺淨名曰心淨佛土淨楞伽曰如來清淨禪大般若曰第一義無有文字法華曰唯佛與佛乃能究盡諸法

實相又曰諸法寂滅相不可以言宣涅槃曰如來常住無有變易毗盧遮那經曰我覺本不生出過語言道解節經曰自證無相法離言說四事文殊問經曰此法不思議離於心意識占察經曰一實境界者謂衆生心體從本以來不生不滅自性清淨起信論曰離言說相離心緣相智度論曰般若波羅蜜實法不顛倒念想觀已除言語法亦滅是等文繁今出少分耳又曰此事只在行住坐卧處添

一絲毫也不得減一絲毫也不得便恁麼會去更不費些兒氣力纔作奇特玄妙商量已無交涉所以動則生死之本靜則昏沉之鄉動靜雙忘顛頂佛性揔不恁麼畢竟如何若是旨外明宗終不言中取則直下便見撩起便行箭已離絃無返迴勢千聖也摸捺不著或未到此田地切忌產心大膽一向掠虛到臘月三十日揔不著又曰古人所謂大事未明如喪考妣釋迦老人爲一大事因緣故出

現於世且道大事又作麼生明直須當人本悟一回親到方開自家口說自家話若也未悟縱說得五千四十八卷盛水不漏也只是法身量邊事於是大事遠之遠矣試舉古人悟處自家商量看如羅山和尚一日問石霜和尚曰起滅不停時如何霜曰直須寒灰枯木去山不契卻往巖頭和尚處如前問頭喝不是誰起滅山言下忽然大悟且道悟箇什麼他古人念此在茲十二時中綿密做工夫

直是以悟為則發一問決擇此事尊宿應病
與藥唯以病去藥除全體輕清為驗後學不
達本源強分優劣曰石霜是死語巖頭是活
語如此見解買草鞋行脚始得不領鉤頭意
錯認定盤星所謂師子咬人狂狗逐塊也西
少形短同學朝曰子雖才辯身體畢矮稠人
之中廣眾之時恐人不貴子也西應聲曰虞
舜王赤縣晏嬰相齊國皆未聞長也同學妻
嗟西雖辯一時心實恥之便以所受求聞持

法期一百日精祈始入壇時於堂前柱刻身
長過期倚柱長前四十餘寸戊子歲上台山見
青龍於石橋感羅漢於餅糞因而供茶異花
現盞中又返明州詣阿育王山見舍利放光
西在萬年三門兩廊缺焉西捨三百萬舉二
役先二百餘祀中夫那蘭陀寺三藏室利跋
陀羅之所造也寺之主者及太眾皆曰梵語
室利此曰吉祥西公上字義相近西天東域
前後比德名義合符為不徒耳又修觀音院

大慈寺智者塔院及天童山千佛寶閣建久
三年於香推神宮側構建久報恩寺始行善
薩大戒布薩六年創聖福寺千畝之博多此
春分天台山菩提樹栽東大寺初西在台嶺
取道遠法師所栽菩提樹枝付商船種筑紫
香推神祠建久元年也西以謂吾邦未有此
樹先移一枝于本土以驗我傳法中興之効
若樹枯槁吾道不作蓋菩提樹者如來成道
之靈木也世尊滅後一百年師子國王受佛

記共佛舍利得南枝盛金甕移殖南宋之始
求那跋陀羅始栽廣府其後遠師分台峯是
以西為法信寄來逮東大寺復敕以此木移
為元父之始西又取台枝栽建仁東北隅兩
處茂盛垂蔭數畝至今繁焉天下分栽建仁
二年金吾大將軍源賴家施地于王城之東
營大禪苑三年六月尚書省劄置台寮禪三
宗西即而構真言止觀二院于寺元久二年
春三月畿甸大風都人謠言比來西師新唱

禪要其徒衣服異製伽梨博幅直袂大袖行道之時多含颺風今巽二作災恐基於西乎巷謳甚喧達天聽詔有司驅西出都西聞敕下語徒曰今日吉日是吾法成之秋也汝等早往堀川買寺材諸徒匿笑既而官使至西曰風者天地之氣非人之所作也其神曰飛廉豈西之能乎不干於西者明矣若又有不能作風者其人尤靈不為凡矣明主不漫加放逐審詳兩端西之不出都者必也官使奏

西言上曰此比丘言詣微重敕曰無所羨乎西因而陳營攝依之建仁上為官寺得有司監護建永元年秋九月敕主東大寺幹事寺罹治承寇火修營未竟以西德望朝廷有此授不踰四載大殿層塔凡當有之所悉備足去承元二年洛東法勝寺九層大塔災勅門下侍郎藤公經監修造豫周二州充其費三年秋八月猶未成一級朝議以西之幹東大蠱付以塔事西不得辭其落亦如東大之歲

初平侍郎奏賜紫衣。建保元年擢僧正。初良辯謗西。一夕夢西自宋國歸。齋白米普種諸州。覺後改悔。稱揚歸降。間有誹者。辯曰。勿言西公。非汝等毀譽境界。三年西在相州龜谷營壽福寺。一日辭源。僕射實朝。僕射曰。師已老。寺未成。何事行乎。對曰。我欲入王城取滅耳。僕射曰。至人出沒豈擇地乎。對曰。都人初聞宗門疑信。胥半我當唱。未後向顯煥王都耳。即命駕歸京。復示微疾。六月晦。布薩。次告。

衆曰。孟秋單五。吾之終也。都下喧傳。至宸慶到期。上遣中使問候。西對宮使曰。已近而姿儀壯健。諸弟子傍聽。潛怕。晡時坐椅安祥而逝。中使未還。官於塗聞。路人譁稱。見瑞虹干寺上。實七月五日也。年七十五。臘六十三。西知見廣大。三閱大藏。以法道之寄。為已任。故顯密之教。多所補弼。至於宗門。雖斑斑見于前。皆乏貽厥。今之學者。推西為始祖。嘗曰。我後五十年。禪宗大興於世。文應弘長。以降介。

千慧日隆于巨福皆如西之言二師又領建
仁可謂奇中矣生平著述興禪護國論三卷
一代經論摠釋日本佛法中與願文不二門
論三部經開題等各一卷密部甚多不盡記
贊曰仲尼沒而千有餘載縫掖之者幾許乎
只周濂溪獨擅興繼之美矣建仁去睿峯者
殆千四百年其奮激之志發于妙齡也見夫
因攀牛山之橫枝得受龍峯之正派豈所謂
尋樵子徑到葛公家者乎初志雖補傳教之

瀛

遺意後世皆推禪門之大祖因茲而言所以
過周氏為不鮮矣加之求法之跡瀛海再留
印文興福之光和宋共殘輪奐嗚乎壯乎哉

慧解二之一

釋義洲世姓阿氏和州高市郡人其父無子
祈觀自在像一夕聞兒呱出見之柴籬上有
一包香氣芬郁開而見之小兒也父母喜而
收養不數日而智天智帝聞之同皇子鞠育
崗本宮後出家從智鳳學唯識又入唐稟智

周法師相宗之說周者慈恩基公之上首也
歸朝盛侶相宗受其業者行基道慈玄昉良
辯宣教隆尊等也又勤營建龍蓋寺龍門寺
龍福寺皆淵之構造也大寶三年爲僧正神
龜五年十月寂勅禮部監護喪事
贊曰淵公其駕願力而來者乎不啻其誕育
之異也口化之迹博而遠矣昉之胤雖不盈
十世而今之言相者咸教之裔也非駕願力
豈其爾乎

釋道慈姓額田氏和州涇下郡人也事吳智
藏稟三論學大寶元年入唐請益干時武后
長安之始也蹈勝地尋明師經律論多涉獵
益究三論之旨養老元年歸盛喟空宗天平
九年冬十月啓最勝會於大極殿其儀同元
日敕慈爲講師初元年將新大官寺下勅覓
伽藍營造之宏規時無委者慈奏曰臣在唐
時偷畷西明寺心中誓念若歸本土柄道福
願規模之今陛下之睿志臣之先抱也即上

之上大悅。詔慈為造寺監護，而居焉。又勅賜封戶及扶翼童子。其封詔曰：法師遠涉蒼波，覈異聞於絕域，遊赤縣，研妙機於碩師。參跡象龍振英，秦漢戒珠如滿，凡慧水似巨瀛。宜施食封五十戶。十六年十月，滅年七十餘。慈在唐，逢密者得虛空藏求聞持法。慈傳善議，議傳勤操，操傳空海云。

贊曰：寂勝會者，官中法事之第一也。偉哉其儀，同元日焉。於以應見吾。

聖武大帝歸崇之專壹矣。雖南梁孝武北齊文宣，不能軼耳。慈公高踞主席，其人可識。況天平之間，英俊森列乎。

釋智光內列人共礼光止元興寺，得智藏三論之深旨，藏之室中推二人為神足。有靈窻者，受于二光。今之三論家皆眷之胤也。禮暮年禁語音智問焉，渾無所答。數歲禮逝，智嘆曰：禮者少年之莫逆也，近歲持不語，思精修也。而不知受生何處，祈念三二月一夕夢至。

禮所嚴麗光潔智問此處何乎對曰極樂界
子以懇志且來此也然非子居早出去智曰
若是安養亦我夙樂偶至斯何須歸乎禮曰
子無行業不可居智曰我生平見子行無過
我近只持不語耳又言我乎禮曰我洽見經
論頗委淨業往生資糧無加觀想是以絕言
語謝人事四威儀中專觀彌陀相好及淨土
莊嚴積功累德今生樂邦我若不絕言語不
謝人事不謝人事不至純想子今詰乎我智

曰然則乞受訣禮曰子盍問彌陀智即共禮
詣佛所莊嚴光色又過禮所智頭面作禮白
佛言何等是往生正修業佛告智言觀如來
相好及淨土莊嚴智曰今見此界廣博嚴飾
心眼不及況又如來相好豈凡慮之所堪乎
於是彌陀便舉右手智見堂中現小淨土嚴
飾具足智覺命工畫佛堂淨土常自觀之其
後吉祥而逝其圖見在元興寺世爭摸寫
贊曰二光者三論之翹楚也智昔落節于行

良辨

基今考終始過而能改者也善哉君子之道
矣而已其掌中淨土者夢中之遺澤乎
釋良辨姓百濟氏近州志賀里人或曰其母
祈觀音像而得二歲時母桑焉置兒於樹陰
忽大鷲落捉兒而去母悲望趁鷲而往不歸
家初南京義淵詣春日神祠見鷲鳥干野將
小兒也鷲見人而避淵收而歸甫五歲就學
聞一知十稍長淵誨以相宗又從慈訓法師
受華嚴奧旨訓共審祥親稟於賢首故辯為

餘

賢首的孫也訓祥不振至辯大昌聖武帝加
敬崇東大寺大像辯之勸化也天平五年建
金鐘寺賢字四年為僧正賢龜四年閏十一
月十六日卒始母尋兒跋涉山川經三十餘
歲而不遭不得已而赴故里乘舟沂淀河舟
中人相語曰世有奇事南都東大寺良辦法
師年纔三十餘學超倫輩擢為帝師昔義淵
僧正見鷲弄兒取而育漸長大成此國器母
聞之疑是我兒乃往南京潛尋東大比丘語

此事比丘曰辯公高貴嫗之言似續德吾不欲聞嫗若實母伺其出書事千簡置路傍母如教辯如春日祠留輿視簡乃問之母告實辯曰我師義洲舉我實如嫗言我亦思見母未由也今偶相逢我甚嘉之然生平有驗乎母泣曰我昔無子祈觀音像產公以故刻一寸一分大悲小像挂兒頸臙捉兒時像猶在焉不知公稚時有諸辯鳴咽而言我七歲淵公授觀音小像曰我得汝時此像懸汝頸恐

汝父母付之乎汝不知父母惟像惟見焉我自爾奉持未嘗離體然則嫗者實我母也自楮中出像呈母母見像宛如也母又知辯之真子也辯便奉母歸舍院側竭哺養焉贊曰相者謂余曰辯師之事出皆以爲異也我宗不爾何以故世之所以異之者徧計執也殊不知依佗起也又辯之所以立者豈非圓成乎余曰子之論未盡耳我見辯之遭捉已入法界品也相者曰何也余曰法界之

中以童兒婦人為知識也。因此而言靈鳥者，其善介良媒哉。儒者尚曰：禽獸夷狄皆人也。況事事無礙乎？何足怪焉？相者絕倒，適以一時之餘論綴于此矣。

釋善殊，姓安部氏，京兆人。或曰：太皇后藤宮子之孽子也。少魯鈍，而以此為恥，學唯識宗。習因明論，昏窒不通，勵志無撓。時毒暑，頭腫如熟瓜，鬚髮盡落，珠之勤業，率類之。以故博該三藏，延曆十六年正月侍皇太子病，事在

資治表，其年四月化，歲七十五。

釋明詮，十許歲離家，入元興寺學。相宗性不敏，志抱屈，乃欲出他之。適雨降，憩殿陛，見簷溜落階，其石皆窪，忽猛省，曰：至柔穿至堅，漸積之為也。我雖昏愚，豈可息乎？便還房勵所業，晝夜不懈，寢食齊舍。自此得高譽於南方。貞觀六年任僧都，十年五月十六日卒。年六十。

贊曰：學貴勤勵，不在鈍利。苟無激志，道不至。

也。珠公頭如熟瓜，心邁堅石，繫髻刺服，皆不及矣。是其所以該三藏粹唯識也。我今合詮以爲後世負笈者之標式矣。

釋明一姓和仁氏，居東大寺，宣揚真教，學者多。依晚置後房，時人曰：「薔蔔雖凋，尚含四照之色。」芝蘭半落，亦送十步之芳。歲七十一化，延曆十七年也。

釋慈實，姓朝戶氏，和州平郡人。從元興寺勝悟學法相宗，悟稱其敏慧。晚設婉閨，學者雖

芝蘭故事

優才，頗患乏。弘仁十年十一月卒，壽六十二。贊曰：釋氏之所以異世俗者，不立閨閣也。苟有繫戀，豈爲梵法乎？多智禪定而不斷，姪皆成魔屬，是楞嚴會上嚴誡之佛勅也。一也。雖防慈恩之初，不慎羅什之末，吾徒之大慝也。此書何系列邪？十步之芳，四照之色，弃其緩收，其急世人又取於泥白乎？人皆小疵，匿大德，獨大疵，猶不匿，豈德大而不容匿乎？所以是予之合寶而不削也。

釋善謝姓不破氏美州不破郡人從理教法
師稟法相漸通六宗桓武帝擢置僧職晚入
梵福山修安養業延曆二十三年五月終于
梵福歲八十一

釋慈雲姓長尾氏平安城人景雲四年得度
學業優贍講無性攝論等為普光寺講師生
徒多趨宿德推之寂年四十九大同二年也
釋勝悟姓凡直氏阿州板野郡人也受業於
尊應應者神睿之高弟也道業清高洞明經

戒姿儀可見言語有味護命慈寶泰演等皆
出其門世稱得人焉弘仁二年六月卒年八
十

釋善議姓志元賀氏內州錦織郡人奉道慈受
三論之學又蹈滄浪入唐請益當時學徒推
博於議歲八十四滅弘仁三年也

釋安澄姓身人氏波州舩井郡人善議之上
足也大啓空宗兼學密教與勤操結摠以弘
法為已任為人敏給議論絕倫唯西大寺泰

○演時爲匹敵弘仁五年三月卒年五十二

○釋光意姓河內氏內州石川郡人容姿閑雅音韻清亮每臨講席道俗傾聽大同年中爲寂勝會座主有舉問辨如流暮年齋食不緩

○弘仁五年三月終于本鄉壽七十八

○釋常樓姓秦氏洛京人幼隨善珠出家天資聰明日誦萬言兼有外學年二十受具戒闡揚真教廣化四衆延曆末敕住秋篠寺弘仁五年十月逝年七十四

○釋常騰姓高橋氏京兆人也道業純淑博究經論決擇義理獨步一時嘗著諸經注釋合六十三卷學者傳誦弘仁六年九月卒年七十六

○釋品慧姓大原氏平安城人也十四離家二十試所習射甲科乃受具足戒每逢論義推爲雄豪年六十八爲維摩講師壽七十五亡弘仁九年也

○釋道證姓百濟氏阿州人學業精粹弘仁之

初當選任大宰府講師任中供俸專給佛事
不儲畜人貴之七年十一月寂年六十一
釋奉實姓荒田氏尾州人也天性踈通心地
清朗紹隆像化闡揚玄風年及八十始學密
宗耽味而忘寢食恨得之晚矣年八十四亡
弘仁十一年也

贊曰延曆弘仁者

王化之流暢乎諸師生清世研真乘各以所
業東說西唱令後人想見當時之風流儀狀

焉嗚呼延弘之間者夫二諦之全盛乎

釋勤操姓秦氏和州高市郡人父母無子詣
駕龍寺玉像祈之母夢明星入懷則有娠天
平寶字二年生十二歲禮大安寺信靈為師
後就善議法師稟三論之學神護景雲四年
救於宮中及山階寺度一千僧操時露覃渥
義學之名播一時弘仁中於大極殿講寂勝
王經講已救更於紫宸殿集諸宗碩德各豎
義以操為座主操尊三論為君父斥法相為

臣子詞義瞻博於是相宗夙將陣亂旗靡上賞辯論加僧都兼管東大寺幹事天長帝又擢之主西寺幹事初操居大安寺隣房有樂好者養老母於寺側一童為役昔者七大寺不騰庫煙廨院備飯到午時駕車入寺巡僧坊行之每人四升好受之分為四焉一分奉母一分與童一分施行丐一分自喫先令童送母食待童返問曰我母食不對曰然然後下箸不爾不啖率以為常操與好善常見之

貴好之篤孝一日童受飯忍泣聲漏于壁操怪呼童問曰奚為哭對曰我有二嘆一者我師今朝俄亡生平甚饗何以供喪二者師母不期分於師飯師已歿矣母何所活思此二事我淚不禁操聞憐焉告曰你莫愁也我與你營好之葬又好母老羸恐聞好死迷悶氣絕你早送飯不老時候慎而莫語也童喜送飯如常母不知也操其夜與童潛葬好于野不令眾知蓋訝好之母有聞也使童謂人曰

我師佗之。次日操分飯，猶好之爲也。而送好
母，童又得一分。其後母問曰：好父不來何乎？
童曰：我師每欲赴堂，高賓俄來，故止耳。母常
問童，互語慰答。翠歲操有大賓，急辦供。童過
午，不送飯。童又被酒而睡。客退，操覺童而問。
童曰：我性醉而未送。操促之，便以飯與母。日
已傾，母曰：衰矣哉！老婦乎，以爲日已盱而好
或怠也。今猶午時也。童聞言，好事午醉半醒，
不覺而淚下。母恠問童，卒爾曰：媪豈不聞乎？

去歲某月某日，我師已寂，思媪之悲痛，未容
易言而已。母聞之，慟絕不起。童悔未由也。童
泣語操曰：我若真子，雖宵闇不忘母矣。若又
禁酒，豈有蹉口乎？媪之逝也，我之過矣。操大
嘆，乃共同志七人，葬好母於石淵寺。後操及
七人反，寺操語而曰：我替榮好養其母，養未
艾命已斷，未足酬好焉。我欲薦冥福而補養，
我等八人分法華八卷。逢媪忌，各講一卷。爲
追薦。公等許不。七人皆諾，便設四日二座講。

法華八軸每
日二座誦者
八人名法花
八誦舍

席修之名曰法華八講會于時延曆十五年也每歲不缺諸寺名曰石淵八講相効修焉十講三十講相次而出皆基於操也天長四年五月七日終西寺北院年七十夏四十七釋護命姓秦氏美刈各務郡人五歲入吉野山宴坐數年歸省父母父母留居郡之山田寺十五依元興寺萬耀十七得度從同寺勝虞學唯識白月入山修虛空藏法里月歸寺誦習嘗於普光寺講唯識論疏忽頂上得舍

利又喫飯口中感舍利弘仁七年任僧都上表辭讓上不許屏居山田寺天長四年爲僧正承和元年九月十一日終元興寺小塔院年八十五時善守法師來問疾親逢音樂響天薰香盈室云

釋道雄姓佐伯氏敏悟過人從慈勝法師受唯識之旨尤通因明論又依長歲和尚學華嚴宗又就弘法大師習密法雄欲創伽藍未得勝地一夕夢山州乙訓郡木上山境致佳

麗翌日到其所果如夢中奏起營構官給工
糧谷一十院名曰海印寺置華嚴教焉年度
二人于今不絕嘉祥三年任僧都仁壽元年
六月卒

釋安慧姓狛氏內州大縣郡人母夢吞明星
有孕延曆十三年生及四五歲聰敏超軼七
齡事刈之小野寺廣智俗之號菩薩者也智
異其才器携付台嶺傳教時年十三教寂從
悉覺受毗盧遮那孔雀等經天長四年試大

日經業得度紀年之間修三部念誦四種三
昧承和十一年為羽州講師時管内皆學唯
識不知台教自慧開講州人棄相歸性上創
定心院置十禪師撰得九人闕一人得慧滿
數焉貞觀八年六月尚書省牒以真言止觀
兼明者補座主為永式于時慧中選十年四
月三日卒年七十四經宿左手與願右手寶
印共不散云
贊曰業精于勤是負笈之事也四師異宗其

精勤者同矣。加之操之靈也。命之辯也。雄之興也。慧之博也。豈夫邊幅乎。

釋義真相。列以從傳。教大師入唐。為譯語沙彌。貞元二十年十二月七日。於台州國清寺受戒。為大僧。又同教入曉。開梨灌頂壇。弘仁十四年四月十四日。於根本中堂。始行大乘菩薩戒羯磨。真為和上。時受者一十四人。上詔諸宗述奧旨。護命作研心章。褒相宗空海著十住心論。贊密教真造。天台義集。世皆傳。

之天長元年。詔任延曆寺座主。座主之職。始於真九年。為維摩講師。台徒之預也。真為初十年七月四日。寂壽五十三。

贊曰。為人之後者。不失家法。是為嗣嫡矣。真公居睿山第二世。而孳孳勤勗。故承

明王之崇。息始領座主之高職。可謂不忝家業乎。及柄圓戒之法事。豈國清親受之異熟。與思其從事於羯磨。不多違錯而已。

釋圓澄。姓壬生氏。武州崎玉郡人。母夢偃卧。

屋上身映曰光忽腹生白蓮華覺後有孕子齋
龜二年生甫七歲新羅法玄摩頂曰汝必為
人師十八事道忠菩薩忠者鑒真之神足也
使令左右最昏無倦間即誦習忠愍其懇誠
授菩薩戒名為法鏡行者延曆十七年上睿
山從傳教落髮教改今名時歲二十七二十
三年教奉詔入唐澄其年四月就唐僧泰信
受具足戒明年教歸教於紫宸殿修五佛頂
法撰諸名德受灌頂澄預數焉是宮中密灌

之始也大同元年十一月二十三日教於山
觀院藥師像前率數百人授圓頓菩薩大戒
澄又預焉是傳大戒之始也弘仁八年三月
教授圓教三身蓮華因果常寂光土等義曰
我大唐傳來台宗奧旨既入汝心宜挑流傳
之燈永永不絕十三年六月四日臨終先授
止觀三德之義止觀心要是也澄悲喜交合
初大同二年二月一日教始修法華長講擇
七碩德各配一卷為講師第一卷教自講第

法華長講
始八八講

二卷以澄領之三年三月八日修金光明長
講又以澄當講師是本朝二經長講之始也
澄勸淳和大店製衲伽梨施國清寺衆蓋厚
本也天長十年爲天台座主承和四年十月
二十六日告弟子慧亮曰先師往年語曰我
歸朝之時白國清寺座主大衆曰歸本國後
常遣請益留學二僧請次圓教深旨我滅後
汝宜撰人跨海我承遺命顧門屬未得其人
唯楞嚴院禪師可充此任故我勸此人入唐

請益我命在今夜不待此人爲深惟耳今以
請益大德所置三十餘條疑問并傳法記草
雜書等託汝須彼禪師歸朝必受諮決是我
懇志也便於寂光道場其夜三更奄然卒壽
六十六臘三十四楞嚴院師者慈覺也
贊曰傳教攻苦食淡之時諸子之執役者不
少矣獨澄預於三始可謂榮焉乎託六赤之
孤寄百里之命澄其人與澄其人與



元亨釋書卷第二

